



SKANDAL Uhapšen ključni istražitelj Mujo Smajlović

AFERA POTRESA TUŽILAŠTVO BIH!

Osumnjičen da je odavao informacije, a radio na osjetljivim predmetima • Advokat Adamović tvrdi da je spreman za saradnju • Saradivao s Čamparom i na istrazi o napadu na Ambasadu SAD • Navodne veze s narkodilerom

Policijski službenici Državne agencije za istrage i zaštitu (SIPA) prekjucher su u operativnoj akciji „Druker“ uhapsili dvije

osobe zbog organiziranog kriminala i korupcionaških krivičnih djela, saopćeno je iz ove agencije.

Prema nezvaničnim informacijama, uhapšene osobe su

Robert Ilić zvan Robac iz Gruda, koji se sumnjiči za trgovinu narkoticima, te uposlenik Tužilaštva BiH Mujo Smajlović.

2. strana

Page: 1

Reach: 50000

Country: BOSNIA AND HERZEGOVINA

Size: 1122 cm2

2 / 2

SKANDAL Uhapšen Mujo Smajlović, jedan od ključnih istražitelja

Afera potresa Tužilaštvo BiH

Osumnjičen da je odavao informacije, a radio na osjetljivim predmetima • Advokat Adamović tvrdi da je spreman za saradnju • Saradivao s Čamparom i na istrazi o terorističkom napadu na Ambasadu SAD • Navodne veze s narkodilerom

Policijski službenici Državne agencije za istrage i zaštitu (SIPA) prekućer su u operativnoj akciji „Druker“ uhapsili dvije osobe zbog organiziranog kriminala i korupcionaških krivičnih djela, saopćeno je iz ove agencije. Aktivnosti su realizirane po naredbama Suda i Tužilaštva BiH, a postupajući tužilac u ovom predmetu, kako nezvanično saznajemo, jeste Džermin Pašić, koji je i naredio hapšenja.

Nezakonite radnje

Na području Sarajeva SIPA-e je uhapsila M. S., uposlenika Tužilaštva BiH, dok je na području Gruda slobode lišila osumnjičenog R. I. U akciji je pretr-




Smajlović (posljednji desno) s čelnicima Tužilaštva, SIPA-e i tužiteljem Čamparom prilikom dodjele priznanja FBI-ja: Teške optužbe

Iličić bio saradnik braće Šimić

Uhapšeni Robert Iličić bliski je saradnik braće Šimić iz Gruda, koja su uhapšena 2013. godine pod sumnjom da su terorizirali stanovnike zapadne Hercegovine, krijumčarili drogu, naručivali bombaške napade, krali automobile, pucali na policajce i na koncu pripremali ubistvo policijskog komesara.

Iličić se dovodi u vezu s krijumčarenjem narkotika, za šta je 2009. na Županijskom sudu u Splitu, u postupku protiv sedmočlane dilerske grupe, osuđen na devet godina zatvora.

Njegovo ime ranije se spominjalo i u kontekstu krijumčarenja krivotvorenih



S akcije u Grudama: Krijumčarenje narkotika

cigareteta, kao i zbog krivotvorenja isprava, odnosno „prekucavanja“ brojeva šasijsa vozila i krivotvorenje uvozne dokumentacije zajedno s već osuđenom grupom braćom Šimić.

eseno više objekata na nekoliko lokacija.

- Akciji „Druker“ prethodila je višemjesečna složena kriminalistička istraga u okviru koje su zadokumentirane nezakonite aktivnosti osumnjičenih osoba - kažu iz SIPA-e.

No, iza cijelog slučaja, prema svemu sudeći, mogla bi se izroditi velika afera unutar bh. pravosuđa, s obzirom na to da je jedan od uhapšenih istražitelj Državnog tužilaštva BiH, koji je radio na brojnim i osjetljivim predmetima i istragama. Zvanične informacije o ovom slučaju jučer su plasirane na kašićicu.

Prema nezvaničnim informacijama, uhapšene osobe su Robert Iličić zvani Robac iz Gruda, koji se sumnjiči za trgovinu narkoticima, te uposlenik Tužilaštva BiH Mujo Smajlović, istražitelj u ovoj pravosudnoj instituciji.

On se, prema nepotvrđenim informacijama Tužilaštva BiH, sumnjiči za odavanje povjerljivih podataka te kršenje propisa u službi.

Informaciju o hapšenju Smajlovića jučer je potvrdio za „Dnevni avaz“ njegov advokat Vlado Adamović, kazavši da je Smajlović jučer i saslušan.

Povreda dužnosti

- Smajlović je nakon saslušanja dao iskaz u kojem je potvrdio da je spreman saradivati s Tužilaštvom, kako bi se razjasnile sve okolnosti za koje se sumnjiči. No, zbog same istrage ne mogu otkrivati više informacija - rekao nam je Adamović.

No, nezvanično iz izvora bliskih Tužilaštvu BiH saznajemo da se uhapšeni Smajlović izjasnio da nije kriv ni za jednu optužbu koju mu ova pravosudna insti-

Zatražen pritvor

Smajlović i Iličić nakon kriminalističke obrade u SIPA-i predati su Tužilaštvu BiH radi daljnijeg postupanja.

Tužilaštvo je, nakon saslušanja u prisustvu advokata za Smajlovića i Iličića zatražilo jednodmesečni pritvor.

Kako je jučer rečeno iz Tužilaštva protiv Smajlovića će, osim krivičnog, biti otvoren i disciplinski postupak.

tucija stavlja na teret.


- Za osumnjičenog M. S., koji je uposlenik Tužilaštva BiH, utvrđeno je da je u okviru provođenja istrage postupao nezakonito, mimo znanja nadređenih tužilaca, poštivanja utvrđenih zakonskih procedura, te počinio više nezakonitosti i povreda službene dužnosti - kažu iz Tužilaštva BiH, navodeći da će protiv osumnjičenoga biti pokrenut krivični i disciplinski postupak.

Prema saznanjima iz više izvora, Smajlović je prije dolaska u Državno tužilaštvo radio kao inspektor u Federalnoj upravi policije i nema značajnijih mrlja u karijeri. U posljednje vrijeme



Adamović: Zastupa uhapšenoga

radio je i na predmetima koje vodi Dubravko Čampara, državni tužilac. Smajlović je u aprilu 2013. godine zajedno s Čamparom te čelnicima SIPA-e i Tužilaštva BiH dobio i priznanje od američkog Federalnog istražnog biroa (FBI) za rad na istrazi o terorističkom napadu na Ambasadu SAD u Sarajevu. **M. AŠČIĆ**



Tužilaštvo BiH otvorilo istragu protiv svog uposlenika: Čeka se epilog